



06 OCT, 2020

Sabah kemuka langkah tegas bendung Covid-19

Harian Ekspres (KK), Malaysia

Page 1 of 2

Sabah kemuka langkah tegas bendung Covid-19

KOTA KINABALU: Jawatankuasa Pengurusan Bencana Negeri Sabah Covid-19 (JKPBNS Covid-19) mengesyorkan beberapa langkah tegas kepada Majlis Keselamatan Negara (MKN) dalam usaha membendung penularan pandemik Covid-19 di negeri ini.

Ketua Menteri Sabah Datuk Hajiji Noor berharap langkah-langkah itu akan dipersejui dan mendapat kelulusan MKN untuk dikuatkuasakan serta-merta hingga 16 Oktober berikutnya peningkatan kes Covid-19 di Sabah sejak kebelakangan ini.

"Bilangan kes positif Covid-19 di Sabah telah mencatatkan peningkatan kepada tiga angka dari 1 Oktober hingga 4 Oktober (Ahad).

"Bilangan kes Covid-19 dalam wad di Sabah pada 4 Oktober (Ahad) adalah sebanyak 1,206 orang," katanya dalam keny-

ataan di sini, Isnin.

Menurut Hajiji, langkah yang disyorkan jawatankuasa itu adalah membekalkan operasi premis perniagaan untuk perkhidmatan dan barang perlu; menutup pasaraya kecuali premis perniagaan membekalkan perkhidmatan dan barang perlu; tidak membenarkan makan dalam premis makanan; dan menutup tamu, pasar malam dan pasar tani, serta rumah ibadat kepada orang awam.

Selain itu, katanya, JPBNS Covid-19 turut memutuskan untuk menutup taman awam, pusat rekreasi dan taman permainan dalam dan luaran; menutup perpustakaan awam; menutup sekolah termasuk taska, pusat jagaan, tadika dan tabika; mengurangkan 50 peratus kapasiti sebenar penumpang bagi perkhidmatan

bas henti-henti; mengehadkan kapasiti kenderaan kepada dua orang; dan menjadikan stesen kuarantin sebagai pusat wad tambahan.

Ketika ini, kerajaan sedang melaksanakan kawalan pergerakan rentas daerah di Sabah selama 14 hari mulai 3 Oktober lepas, manakala kemasukan ke Sabah dari Semenanjung, Sarawak dan Labuan adalah mengikut Panduan Kebebanan Masuk Ke Sabah yang telah ditetapkan oleh kerajaan.

"Semua penduduk Sabah diingatkan untuk sentiasa mematuhi arahan dan prosedur operasi standard (SOP) yang telah ditetapkan oleh kerajaan dan diminta memainkan peranan masing-masing dalam memerangi pandemik Covid-19 dengan penuh tanggungjawab," katanya. – Bernama



06 OCT, 2020

Sabah kemuka langkah tegas bendung Covid-19

Harian Ekspres (KK), Malaysia

Page 2 of 2

SUMMARIES

KOTA KINABALU: Jawatankuasa Pengurusan Bencana Negeri Sabah Covid-19 (JKPBNS Covid 19) mengesyorkan belter apa langkah tegas kepada Majlis Kese lama tan Negara (MKN) dalam usaha membendung penularan pandemik Covid-19 di negeri ini. Ketua Menteri Sabah Dalnk I Iajiji Noor berharap langkah-langkah ilu akan clipersetuju dan menelapat kelulusan MKN untukklikuatkuasakan serta nlerla hingga Oktober berikutnya peningkatan kes Covid-19 di Sabah sejak kcelakangan ini.